

Predstavljen idejni projekat objekta ženske medrese

U petak, 23. marta 2007. godine u holu medrese je nakon džuma-namaza javnosti predstavljen idejni projekat novog objekta ženske medrese. Objekat bi trebao imati dimenzije 37,6 × 13,80m sa prizemljem, spratom i potkrovljem, u kojem bi se mogla organizovati nastava i internatski smještaj za ženska odjeljenja. Prema idejnom projektu bio bi to moderan objekat koji zadovoljava sve pedagoške standarde kako za nastavu, tako za smještaj i boravak učenika.

Nakon predstavljanja, prisutni su išli na lokaciju gdje je predviđena izgradnja novog objekta, gdje je upriličeno klanje kuršana i proučena dova za hairli početak i završetak ovog projekta.

Događaju su prisustvovali ugledne ličnosti iz vjerskog, kulturnog, političkog života, kao i predstavnici medija.

Slijedećeg dana, obavljeno je geološko ispitivanje terena od strane stručnog tima iz Tuzle, radi utvrđivanja kvaliteta tla za izgradnju ovakvog objekta.